

Schwerelos

Text: J. Hallfell, D. Müller, P. Hofmann, D. Fussel, G. Becker

Musik: J. Hallfell, D. Müller

Verlag: Edition Fiasko, Edition Rhingtön - Homepage: fiasko.org

De Naach es jung, jonn janze allein
Durch mi Veedel, well eijentlich schon heim
Do stonn paar Lück, noch nie jesinn
Noh ein, zwei Kölsch, stonn ich plötzlich meddendrin
Dunkle Wolke d'r Himmel krisch
Wenn mer fiere, stellt sich keiner in d'r Wääch.
Mer danze schneller, un weede naas
E bissche Wasser verdirv uns nit d'r Spass

Op eimal weed mer widder klor
Jecke, die sin anders un dat et janze Johr.
Op eimal stells do widder fess
Dat do im Hätz ne echte Kölsche bess.

Refrain:

Janze Kölle danz em Rään op d'r Stroß

Mer sin schwerelos.

Singe su laut, bes de Wolke jonn.

Jage se fott, övver dä Horizont.

Kölle danz em Rään op d'r Stroß

Mer sin schwerelos.

**Ejal, wie dunkel dinge Himmel jrad es
loss dä Augebleck leuchte, wo immer do bes.**

Na na na na ...

Et is normal - dat uns et Levve aff und zo -
Durch dunkle Daach scheck
Doch gläuv's do wirklich, am Rusemondag
Jonn mer doröm och nur eine Schritt zoröck.

Op einmal weed mer widder klor
Jecke, die sin anders un dat et janze Johr.
Op eimal stells do widder fess
Dat do im Hätz ne echte Kölsche bess.

Refrain: Janze Kölle danz ... (2x)